
DE I R A AVT B I L I O S A
A F F E C T I O N E .

Cap. VI.

INTER morales Philosophos, qui animæ affectiones descripserunt, non insimo loco Seneca & Plutarchus annumerantur: Qui quidem uterq; videtur de industria recreasse & laxasse animum in describenda & ad vivum efformanda Ira, ut ex eius genuinis lineamentis hanc tam portentosam belluam omnes detestentur, quæ cornibus, dentibus, unguis, aspectu truculento, & immani ferocia, minax & terribilis est.

*Effectus
ira.*

Nobis igitur illi, animæ iram repræsentant, tanquam alteram Megæram furiosissimam, truculentissimam, audacissimam, crudelissimam, ac suminè omnibus terribilem: radices in se & scaturigines seditionum omnium, turbarum ac tumultuum continentem, litiam, bellorum, homicidiorum, excidiorum, eversionum, ac omnium malorum abyssum: tempestatem, diluvium, ignem, machinam, tonitru' ac pestem, inundatrem, submergentem, urentem, diruentem, fulminantem, inficien tem, occidentem, ac omnia evertentem: homines quos invasit ad omne sceleris genus præcipites agentem, è qua innuera mala stupendaque tum in corpore tum spiritu contrahuntur. Deniq; scelerata illa eosq; improbitatis & nefandæ malitiaz procedit contagio, ut non tantum illos in belluas & tigrides imma-

immanissimas : sed in dæmonas quodammodo
transmutet.

Hic effecta Tigridis istius , sive calamitates,
quas hæc faria in orbem imminuit, non est nostri
instituti sigillatim explicare : satis est , quod in
genere proprietates eius , idq; paucis & obiter
attigerimus. Quæ tamen illa homini procreet
incommoda , quod in illum ius & imperium ha-
beat , quoq; effectus progeneret , paulo latius
explicabimus , ut investigatis causis , effectis , ut
par est , medeatur , prout præcipuae nostri officii
partes postulant.

Atq; ut in primis hanc tam effrænem & teter-
rimam belluam suis delineamentis , tam intus *Descriptio*
quam in cute depingamus , irati incompositum *iracundie*,
inceps & actiones observemus. En quanto
fastu , & quam truciore superbaq; corporis agi-
tatione , modò hūc , modò illuc volvitur ac cir-
cumfertur : quam variè modò erubescit , modò
pallescit : cubitis quicquid occurrit hinc inde
propulsat atq; disicit? En ut à sua ipsius umbra
etiam exacuitur , quam ferre nequit placide : ut
voce tremula , modò alta , modò depressa ad bi-
lis agitatæ motum aut quietem intonat? En ut
labia commordet , pectus pugnis verberat , cri-
nes indignabundus vellicat , in quos citra rati-
onem involat , instar canis in lapidem ruentis , quo
ictus est? Si acris ac propius ira percitum in-
tueri voles , & os eius circumspicere , in quibus
omnes iræ proprietates tanquam in speculo elu-
cescent , omnis perturbationum generis notas in
illo sœvire videas : ut rubore & ferocia scintillet,

E

ut

ut rufis maculis leopardi instar ubiq; scateat: ut igneis tedis tricantes oculi truculentiam minentur, ut capilli colore bovini in Maurorum specie arrigantur & crispentur. Deniq; in ea seva perturbatione animi, nihil non horrendum & monstruosum cernere licet. At forma illius, quam descripsimus, primis iræ motibus tantum congruit, videturq; suavis ac benigna, si cum paroxysmo illius impetuq; comparetur.

Tunc enim illa infernalis Megæra, vincalis solutis rabies totam exerit, non uno flagello simplici contenta: sed cruentatumensem unâ, incensam tedam alterâ manu intentat: illius brachia reducta veste, nil nisi cædes & sanguinem minantur: apertum pectus fastuosè explicit: auras istib; quasi serio prælians diverberat, modò huc modò illuc circumagatur: quin & horrenda voce, ad arma & cædes, ad sanguinem & ignes furiis omnibus agitatur, ac ferro igniq; le vastarum omnia comminatur: usq; adeo insolens illa rabies omnibus modis truculentam & atrocem beluanam refert.

Altera est iræ species superiori prorsus opposita que laudabilis ac iusta dici potest, ardentissima videlicet æmulatio, zelus, aut fervens studium omnes in officio continendi, & in gyrum rationis revocandi, qualis est acerba reprehensio & minæ quibus pastores gregem suum territant, ut in officio erga Deum, ipsum contineant, aut lapsum & devium erigant, ac in rectam viam reducant. Sic pater iulta commotione fertur in pervicacem filium, qui à vero tramite digreditur,

tur, dum pervicaciam eius castigat. Sic dominus servum, & præceptor discipulum stomachosè increpat. Hac ira Philosophus ille corripiebatur, qui cùm in peccantem servum excandesceret, moderamine & fræno suum furorem coercuit his verbis: *Ni, inquit, iratus essem, multis plagiis vapulares.*

Est & tertia iræ species, quæ intermedia est, vera animi affectio passioq;, quæ simul cum spiritu corpus divexat, & variis modis conturbat.

Huius duæ traduntur species, quarum altera nihil putidi perferens statim erupit, & virus conceptum evomit: utcunq; in iis laudabilis, qui fætidas aquas corde includi & foveri diutius dannant.

Altera simulata est & ficta, quam longo tempore clam asservari posse aiunt: interim tamen, quæ instar ignis cineribus sepulti se habeat, quibus foveretur ac conservatur sine ullo interitu aut imminutione.

Etsi autem irarum hæ species inter se differre videantur, idq; subiecti ratione, varium temperamentum subeuntis: ut in melancholico alia sit iræ species: in phlegmatico & pituitoso alia: alia in bilioso temperamento: Harum tamen aliae semper violentius animum perturbant: aliae lenius, ut dictum est. Hæc volatilem ignem, & Persicum repræsentat: illa occulti cancri clam & sensim rodentis speciem exhibit: cuius idecirque cura difficillima est.

Hanc utramq; speciem privatim tradandam suscepimus, utpote quæ veræ animi affectiones

& exgritudines sint, à quibus corporis nostri functiones lèduntur ac depravantur: variaq; morborum & symptomatum genera procreantur, in quibus curandis apprime medici opera desideratur, ac necessaria est. Duobus autem u-

*tre ulciscen-
di instru-
menta.*

traq; instrumentis utitur: manu & lingua: siquidem præterquam, quod animus desiderio nocendi exardescit: manus atrociter, non auras tantum diverberant: sed quemlibet occurrentem feriunt, & propulsant: famam & nomen scriptis proscindunt, ac omne convitiorum genus infesto calamo congerunt: ut aculeos iratae pennæ vel remotissimi quiq; persentiant, & ferre cogantur.

*Lingua vi-
tium.*

Lingua non minus periculosa & aerba, immo manu ipsa acerbior, omne veneni genus clam exerit: quod vix vitare quis possit, cum occulta sint vulnera, nec facilè perspicua, à quibus caveri possit. Cuius ictus si minus aperte corpus feriunt, lethalia tamen vulnera anitno infligunt, convitiis, maledictis, & horrendis execrationibus ipsum obruentes, ut iure parœmia inde nata sit, *no centius esse lingva, quam lancea vulnus.*

Eā enim si convitiando, detrectando, ac maledicendo incumbat, tum præsertim cum bilis effervescit, tonantiorem vocem reddit, quam Colonensis illius primarii & cathedralis templi organicae fistulæ emittunt, follibus concitatæ, et si ad earum sonum aures obsurdescant auditentium.

Morales Philosophi (inter alios Plutarchus & Seneca) fatis superq; docent exemplis, quam varia

varia & infinita mala ex lingvæ procacitate, & effræni licentia irati & furibundi hominis oriantur: sicut ex adverso summatum virtutem ad societatem hominum tuendam in silentio & taciturnitate collocant: ut scilicet longa sit aurium attentio, brevis lingvæ responsio: sicq; nihil vel pauca respondeantur.

Hæc igitur duo præcipua iræ instrumenta, manus nempe & lingva, nisi fræno & moderamine aliquo retineantur, iratum hominem & furibundum in gravissimos affectus & perturbationes præcipitem agunt, quæ si, ut par est, rite gubernentur, magno sunt homini auxilio & usui: nec minus quam reliqua corporis membra sint homini oportunitissima & utilissima. Hinc tritus ille versus:

*Nil melius lingvâ, lingvâ nil peius eâdem est.
Absit igitur, ut animum perturbatum sequamur, minis instru-*
eiq; obsecundemus, cum in benè composito ani-
mo lingva se canendis Dei laudibus voveat, ad
quas destinata est. Manus verò iis describendis,
nec non piis omnibus operibus & charitatibus in
proximum exercendis incumbat.

Præter illa duo superiora instrumenta, quibus ira in acuendis suis effectis, & producendis utitur, ac sese patefacit: alia sunt eiusdem indicia, eaq; ferventes motus irati hominis certò præsa-
gientia & apertè testantia: siquidem eiusmodi homines iracundi multo fastu turgent, multa de se sibi pollicentur: & pavonum instar, cum mira oblectatione ac superbia sese circumspiciunt: si-
bi nimium blandiuntur & indulgent, præcipites,

E 3 acuti.

*Manus &
lingvâ, uti-
lisima ho-
menta.*

acuti, & subtile sibi videntur: parum tamen firmi, ut qui facile ad levissimum verbum, vel torvum intuitum & inopinatum, stomachentur & bilem moveant: quibus omnia displicant & fastidium movent, ad omnemq; actionem & orationem exardescunt. Illis ne quidem omnes Luculli coqui gratum ferculum condirent: neminem loquentem ferunt, et si cum ratione reprehendentem aut contradicentem: se se solo celebrant reliquis omnibus abiectis: ad quamlibet suram, aut nihil rem amantur, & querelas concitant. Eorumq; animus usq; adeo delicatulus, levis, sensilis, mobilis, & omnium impatiens est, ut ex solo aliorum habitu offendatur: similesq; prossimis arthriticorum fiunt, qui ante chirurgi manum admotam, iam de dolore conqueri & iracundi in clamare solent. Denique nullus non iracundus insculptas fronti trium Charitum loco gerit, impatientiam, inconstantiam, & impietatem dyscharites Eumenidas. Qui eiusmodi comitibus stipatus incedit, nihil non impium, crudele, & truculentum admittit, omniq; charitate spoliatur: cumq; mansuetudo, pietas, ceteraq; virtutes hominem lenem, benignum, constantem, lepidum ac μαργόθυμον, reddant, contrariae bilis & irae affectiones hisce virtutibus ex diametro opponuntur. Ut autem impietas, & crudelitas charitati adversatur: sic impatientia & inconstans suos motus habet admodum feroes, ut non minus omnibus iniuriæ sint ac contumeliosæ, quam superiores.

Ex hac igitur furiose bilis commotione & conti-

continuis fluctibus, animus & spiritus primū agitantur, totum corpus concutitur: sanguis aliiq; humores incalescent & conturbantur, ac imprimis ipsa bilis inflammatur, quæ stomacho-
sis omnibus & iracundis imperat: cum enim to- <sup>Ira siccom-
moda quot
& quanta.</sup>
ta sit sulphurea, reliquis omnibus citius incendi-
tur: Inde ardentes nascuntur febres, & tertianæ
biliose, inde pleuritides, omnesq; aliæ inflam-
mationes internæ, ab eodem humore à suo tem-
peramento excidentur: Inde varia
porrò procreantur mala, cùm interna, tñm ex-
terna: ut cholera seu cœliacus aut iliacus mor-
bus, qui tanquam sumpto antimonio per inferio-
ra & superiora expurgat: ut icterus croceo co-
lore totum corpus inficiens: ut Erysipelas,
ignes persici, serpiginæ, & nomica ulcera exter-
nas partes corporis, instar lepræ depascentia.

Hæc idcirco in medium proferimus, ut con-
spicuum fiat, quanta & quam varia inde in cor-
pus mala promanent, ex morbis spiritualibus na-
scientia, qui ut plurimum ad mortem usq; ægros
suos deducunt, quod imprimis in hac furibunda
affectione ex sequentibus exemplis videre licet.

Nerva Imperator valetudinarius ac ventricu- ^{Nerva Impe-}
li tanta debilitate laborans, ut crebrò assumptum ^{perator,}
cibum evomeret: cum semel in quandam nomi-
ne Regulum excandesceret, tantum pectoris do-
lorem sustinuit, ut confestim febre exitiali, de-
plorataq; correptus sit.

Idem Valentiniano Imperatori contigit: qui ^{Valentinia-}
cum adversus Sarmatas nonnunquam propter ^{nus Impera-}
Illyriæ vastationem in prætorio sævus infreme- ^{tor.}

ret: & universæ genti excidium rigidus minaretur, sanguine irrumptente animam exhalavit.

Venceslaus Bohemicus Rex. Simile quid de Venceslao Bohemæ Rege historiæ suppeditant, qui ira in pocillatorem suum percitus, cum interficere eum propriis suis manibus veller, paralyssi affectus concidit, & paucis post diebus vita excessit. Quod utiq; summè

Cromerus lib. 18. mirandum est, ab una scilicet biliosa commotione, cuius natura ferventissima est, paralysim posse generari, cuius efficientem ac materialem causam, ad frigidam pituitam medicorum vulgus revocat; quaer quidem causa naturæ bilis prorsus contraria est.

Si saperent stomachosi homines, & furibundi illi Aiaces, huiusmodi exempla semper sibi animo versanda, & oculis perpetuo intuenda proponerent, ut à tam infelici exitu, & effectis crudelissimæ perturbationis sibi metuerent atq; caverent.

Sed alia praesentiora ac opportuniora habemus remedia, quæ in huius affectionis præcautionem & curationem adferemus.

Atq; ut à curatione ordiamur, primò notandum est, nequam spernendum esse malum, at sedulò promteq; medicandum.

Vbi igitur vel levissima iræ commotio percipitur, quod ex pulsus elevatione & levibus quibusdam fervoribus, qui temperamentum exceedere, & à naturali suo statu deflectere testantur, cognosci potest, confessim, iuxta illud Poëtæ,

*Principius obsta, sed medicina paratur,
etiusmodi ignis aquâ continentia à ratione sublimata*

mata & alembicata extingendus est. Ad id sup- *Summa cō-*
 petit exemplum Socratis, qui simul ac in se pri- *tinentia So-*
 mos bilis istius igniculus persentiret, ad remedi- *catis.*
 um convolabat, quoq; illa magis ad vehemen-
 tiorem motum concitabatur, eo promptius fræna
 moderationis iniiciebat: quoq; magis illa ad
 violentiam ac acerbitatem erumperet, tantò
 moderatiorem, dociliorem, ac pacatiorem ani-
 mum, corpusq; sedatus ac compositius exhibe- *Plutarch.*
 bat: quod ore, oculis, gestu corporis & omni- *in tract. do-*
 bus tranquillæ animæ notis satis superq; testaba- *Ita.*
 tur, ut nihil deforme in ipso conspiceretur.

At queret aliquis, qui in iracunda affectione
 aut irato homine eiusmodi sedativum ac illud
 contemperans papaver reperiatur? Si in cordis,
 lingue, manuinq; hortis in naturè transplantetur,
 colatur, foveatur, & sedulò educetur. Quomo-
 dò enim transplantatione & cultu, cichorea na-
 tura amara hortulanî artificio edulcescunt: Ita si
 colamus & alamus in nobis hanc contemperan-
 tiam, hoc est, si docilitati, mansuetudini, mode-
 rationi assuescamus, naturam nostram, alioqui
 agrestiorem & ferociorem, cicurabimus, ac ita
 moderabimur, ut contrarias facultates ac vires
 conciliet acquiratq;

Vt hanc moderationem & temperantiam con-
 suetudine sibi compararet idem Socrates, idq; in
 omnibus affectionibus, que homini molestæ
 esse solent: cum acriori siti premebatur, non
 statim se aquis ingurgitabat, sed è puteo ipse sibi
 lentè hauriebat, quas super oram putei morari
 ac quiescere diu sinebat: ne avidius quam dece-
 bat

bate hiberet: qua ratione frænabat desiderium, ut immoderatis cupiditatibus eluctandis ac domandis assueferet, natura dociliorem sibi compararet, sibiq; tandem imperaret: consuetudo enim (ut communis fertur proverbio) altera est natura.

Atq; hoc remedium ad prophylactice huius affectionis partem pertinet & spectat.

*Moderatio
nis exem-
plum Pla-
tonis.*

Hæc eadem moderatio & abstinentia tanta cura à Platone exulta fuit, tantasq; ac tam firmas in eo radices egit: ut nullà iniuriā, convitiis, crudelitate, quibus à Dionysio Tyranno olim lacescebatur, à statu rationis unquam dimotus fuerit, aut in excandescientiam, iramque quantumvis levem eruperit.

Hæc eadem virtus in eodem ipso Philosopho confirmatur, ac testimonio Plutarchi declaratur. Qui de illo fidem facit in tractatu, *Cur divina Injustitia scelerum pœnas differat*: Cum enim ipse Plato semel servum in culpa & gravi flagitio deprehendisset, illico commotus & ira percitus baculum arripuit, quasi servum eo cæsarus, sed ipso tamen momento se continuuit, nec ullum eius puniendi dedit indicium. Id cum quidam eius amicus demiraretur, qui cuncta pviderat, & sciscitaretur, cur baculum apprehendisset: respondit Plato, ad iram propriam coercendam, quæ extra rationis limites evagabatur, id esse à se factum.

Eadem mansuetudo diuturna consuetudine à nobis comparata, certissimum nobis præbet in huiuscce perturbationis præcautionem, auxilium, prout

prout experientia veteres illi Philosophi didicere-
runt, &c certam nobis huius rei fidem fecerunt,
suo exemplo docentes, quosvis iracundos iisdem
aut similibus in curationem sui mali, uti posse
praesidiis.

Trita est vulgarisq; illa medicorum sententia,
extremis morbis extrema esse adhibenda reme-
dia. Huic igitur morbo inter alios gravissimo,
iræ nempe & furioso affectui, extremum hoc ap-
pono, novum tamen ac præsens remedium, ^{Pa-} *tre reme-*
tientiam videlicet, quæ sit illius affectionis speci- ^{dium}, ^{pa-}
fica theriacalis aqua, quæq; à tam lethifero *ve-* *tientia*,
neno mortales eripiat liberetq;.

Eadem patientia cordis nostri probitatem ac
integritatem aperte testatur, monetamq; no-
stram nequaque esse adulterinam indicat, dum
citra imminutionem aut immutationem sui, tot
istius passionis, eaq; violentissima sustinet incen-
dia: nosq; auro in fornacibus excocto similes
reddit: quod quo pluribus ignibus probatur, eò
purius, nitidius ac coruscantius emicat, natu-
ramq; suam magis ac magis retinet. Sic patien-
tia nostra, dum variis exercetur malorum pro-
cellis constantior & robustior redditur adversus
huius perturbationis feroce motus: palmamq;
victoriae magna cum gloria ex confiture repor-
tat. Siquidem psalmæ ipsi planè respondet, quæ
quo magis premitur, eò fortius attollitur; aut
tympanum imitatur, quod fortioribus baculi
ictibus percussum, resonantius auditur.

Sed huius porrò patientiæ ab Ethniciis ipsis
exulta elegantes effectus conspiciamus.

Aristip-

Mansuetus. Aristippus Dionysii tyranni vita semel incre-
dus exem- plicans, illum in tantum bilis fervorem compulit,
pius in Ari- ut boni illius Philosophi faciem conspuere non
stippe. vereretur: qui hac vera patientia instructus &

Laertius li. probè munitus tantum abest, ut in iram proru-
2. *in vita* perit, ut contrà iniuriam sibi illatam ioco exce-
Aristippi. perit his verbis, *Si Piscatores*, inquit, *ut Piscicu-*
lum irretiant facilè imbres aquarum perferunt;
molestem mihi esse non debet, si in piscando rhombo
parum humecter.

At ne eadem virtus aliis denegetur, & solis Philosophis asservetur, qui omni vindictæ telo carebant: fuerunt & magni Principes non pau- ci, qui Philosophos imitati sunt, nec mediocri modestia & patientia armati fuerunt. In his præ- luctet Antigonus, qui cùm tempore hyberno castra transtulisset in locum ubi non erat rerum necessariarū copia, atq; hac de causa milites qui- dam in regem maledicta congererent, ignari ipsi sum esse in proximo, virgā tentorii vela diduxit. *Flebitus,* inquit, *ni longius semoti de me male loqua- minci.* Quid hac facetia clementius? aut quid hac clementia facetius? simulabat se non indig- nari, quod male de ipso loquerentur, sed quod tam vicini, ut exaudiri possent ab eo, cui male- dicebant.

Idem Rex cum nocte quadam quosdam è mi- litibus suis audisset omnia mala ipsi imprecantes, à quo in iter præceps & inexplicabile lutum inducti fuissent: accessit ad eos, qui maximè labo- rabant, eosq; inscios à quo adiuventur, expli- cuisset: *Nunc, inquit, maledicite Antigono, cuius*
vita

Modestia
Antigoni.
Plutarch.

*vitio in has miserias incidisti: sed ei bene optate, qui
vos ex ea voragine eduxit.* Hanc ille solam ultio- *Celius lib.
nem repetit ab inferioribus, quos extremis po- 21. cap. 28.
terat merito suppliciis afficere, unde magna eius
elucescit patientia, clementia, ac ~~mu~~ngobutia, ma-
gitudinoq; animi.*

Quid porro de tam insigni patientiae & clemen-
tiae virtute commemorabitus, qua Philippus
Macedonu Rex fortiter adversus multas gravissimas iniurias, convitia, & calumnias prævaluisse
dicitur? quas mirum in modu patienter ac con-
stanter pertulit, variis in locis & temporibus, ut
historiae ipse testantur. Luculentum huiusc ve- *Plutarch.
ritatis testimonium fortasse requirimus? Pelo- in Apophis.
ponenses, qui multa magnaq; beneficia à Rege
Macedonum Philippo acceperant, nihilominus
in Olympicis ludis illum dicteriis prosciderant,
& acriter in suis tragœdiis & comediis confo-
derant. Philippus re cognita, cum à quodam ex
suis aulicis, ad poenas exigendas incitaretur,
hoc consilium reiecit, & hæc verba addidit: Si
tam pravo homines isti sunt ingenio, ut eos ir-
rideant, qui de ipsis bene merentar, quid tum
fiet, si quid mali ab iisdem accipient? Sic Rex
patientissimus ac clementissimus, prudens init
consilium, ceterosq; docuit maledicos non esse
provocandos, ne forte magis male dicant.*

At quis non mirabitur simile eiusdem regis
responsum datum eidem è suis aulicis Smicy-
tho, Nicanorem utiq; de regia maiestate detra-
hentem ac calumniantem accusanti: *Nicanor,*
inquit Rex, non habetur inter Macedonia pessimos:

Expet-

*Philippus
Regis Ma-
cedonu cle-
mentia.*

Expendendum est igitur, num mea sit culpa, nec no-
Expendit Philippus negotium & animadvertis-
illum summa obrui inopia, spretumq; ac obli-
vioni traditum, licet egregiam in bellis ante sus-
cepitis navasset operam : ius sit ergo ad eum
splendidum munus comportari : unde natus
occasionem Nicanor, murata sententiā, Regis
laudes ubiq; suis præconiis celebravit : Hanc
repentinam prædicationem idem Smicythus
cum ad Regem detulisset, hoc alterum respon-
sum clementissimum accepit : Nunquid vides,
(inquit Rex) in nobis esse fitum, ut bene aut male
audiamus ? Quo satis dicto declaravit, Regum &
primatum beneficiis , omnes homines ad bene-
dicendum de ipsis obligari, & contrā iniuriis ad
detrahendum provocari.

Plutarch.
in tracta-
de ira.

Simile quid legimus de huiusdem Regis erga
 Arcadem clementia, qui de illo ubiq; detrahe-
 bat, quem cum Rex scelus excepisset clementius,
 & blandis verbis eum compellasset, additis si-
 mul exquisitis muneribus, Arcadem habuit sua-
 rum laudum per totam Græciam promptissi-
 um & studiosissimum præconem. Qua in re
 Rex & patientiam insignem, & admirandam cle-
 mentiam omnibus patefecit, simulq; pessimos
 Arcadis mōres hoc artificio corredit : qui scelere
 suo mortem promoverat. Hac patientia & cle-
 mentia doctiorem se medicum præstis, & sa-
 lubriorem iis, qui capitis pœna hominem mul-
 standum, & de medio tollendum censuerant.

Ceteris tamen præstat illud, quod de eodem
 rege apud antiquos legitur , quo singularem
 suam

suam in Democharem declaravit mansuetudinem, qui ob nimiam longvæ procacitatem cognominabatur Thersites. Is cum ex numero legatorum ab Atheniensibus ad Philippum missorum esset: Ipsiq; iam dimittendi à Rege audirent: si quid posset in Reipub. Atheniensis gratiam, se studiosè facturum: statim insulso responso, & nimirum audaci ac temerario Regis verba exceptit Demochares. Tu, inquit, Rex rem civitati nostræ gratissimam feceris, si te ipsum suspensio presocrā: Quod tam indignum & atrox responsum, pessime audiit apud alios legatos, qui non sine gravi murmure ac indignatione hanc contumeliam Regi factam pertulerunt. Hos tamen blandissime, & circa ullam commotionem Rex compellans: Nunciate, inquit, Atheniensibus, multò superiores videri, qui ob animi impotentiam eiusmodi dispergi & sarcasmis non abstinent, quam eos qui impunè dici permittant, ac insolentiam tales facili concoquunt.

Tam illustribus Philippi regis exemplis ad-
sicitur Pericles, qui cum per integrum diem ab improbo & impudente quadam calumniatore usq; adeò convitiis lacerretur, ut ne in aperto patientia
quidem foro, ubi Pericles de rebus seriis ad rempub spectantibus tractabat, iniurias & calumnias adversus eum remitteret: sed publicè in eum sine fronte debaccharetur. Id tamen circa omnem bilem patientissimè & constantissimè tulit. Deinde vero cum impurus ille & sceleratus convivator, ipsum Periclem sub vesperam conti-
nuatis calumniis domum usq; comitaretur & de-
duce-

duceret, Pericles lares ingressus, iussit nocte ingrante, tædam accendi, & à servo de rectato rem tutò ad suos reduci: tantum hic abest, ut stomachosus in illum proruperit.

Quanta hæc sit & patientia & moderatio animi, omnibus notum est. Ab historiographis Pericles tanquam clementiae, temperantiae & moderationis speculum proponitur, quod vel in ipso extremitate vita anhelitu te status est. Cum enim tunc temporis, qui ad illum accedebant amici, omnes egregia illius facta sigillatum enarrarent & celebrarent, Observavistis, inquit ille, totum vitæ meæ curriculum, & probè examinastis: At quod præcipuum & laudabile, de quo gloriior, hoc est, quod nemo atratus de me unquam expostularit. quibus verbis innuebat, neminem à se unquam interfectum, cæsum, vel aliquo modo lœsum, quem atrati amici desleverint, quam diu Reipub. Atheniensis gubernacula sit moderatus: Proindeq; nulla unquam bile commotum, in aliquem involasse: sed patientiam, moderationem & clementiam semper exer cuisse: quæ magnum utiq; principem decent & exornant.

Has si Ethnici tam studiosè virtutes excoluerunt: Nos qui Christianorum nomen profitemur, si illorum vestigia non sequamur, & ab illis superari patiamur, quantum dedecus & ignominiam merebimur, quos deceat longè maiore in preferendis calamitatibus constantia, & in iniuriis vindicandis clementia, tanquam ~~moderatus~~ praे illis ~~adversarios~~ esse instructos atq; militos?

nitos? At cum securus faciamus, in eoq; gloriæ nostræ caput positum falso censemus, ut nullam impunè feramus iniuriam, vel ipsa vœce tenus illatam, per cædesq; mutuas credamus honorem nostrum conservari: qualem Christianismum iactabimus, qui Ethnicarum virtutum gloria supereretur?

Plura hanc in rei à me proferrentur exempla, ni præstantiores quiq; historici memoriarum prodidissent, quanta Artaxerxes, Pisistratus, Leontychidas, & alii principes in frenanda & coercenda adversus iniurias sibi illatas ira, virtute præstiterunt. Quibus omnibus Christiana autoritate confirmatis, iterum atq; iterum monitor, ut in posterum omnes malevolorum & invidorum voces, in me oblatrantium floccifaciam, cum præsertim illorum semper iudicaverim contemnendam maledicentiam, quod non à iudicio, sed ab animi morbo, invidia nempe virtutis semper inimica profisciscatur.

Vltimum sequitur iræ remedium, cuius autorem & præceptorem laudo Athenodorum: quod idcirco à me profertur in medium, ne quid indictum in curationiem tam exitialis affectus defideretur.

Hoc præscripsit Philosophus ille Imperatori Augusto, cum ab eo esset discessurus ob ætatis & senii gravitatem, ad feliciter & sapienter imperii gubernacula moderanda. Tale autem fuit illud, dori consilium Imperatoris datum;

F prius

Valerius Maximus

lib. 5. c. 1.

Brusonius

lib. 1. c. 16.

Plutarch.

tractat. de


Ira.

Erasmus in

Apophth.

prius numerum viginti quatuor literarum Græcarum digitis attente subduxisset, innuens meditanda esse otiosè, nec præcipiti momento decernenda, quæ plus temeritatis, quam sapientiae in Imperatore arguant.

Atq; hoc remedium non ad latentes illas iras, invidias, & clandestina odia spectat: at biliosis & ferventibus furoribus opportunum est: qui bombardici pulv'ris instar uno momento incandescunt, & violentissimo impetu ferunt. Si quidem hoc temporis intervallo, quod alphabeticarum literarum enumeratio interponit, ut ad mentein redeatur, servores huiusmodi ire momentanei retineri ac coerceri possunt. Rationi enim conceditur tempus, quo omnia prudenter moderetur: & aquâ clementiae & temperantiae tanquam specifico auxilio flamas illas & incensos motus extinguat atq; cohibeat.



DE GAVDIO.

Cap. VII.

QUOD Galli, ioye ou esiorissance dicere solent, illud gaudium Latini vocant. Græci vero in significantioribus vocibus feliciores, ζερα, quasi ζερα πλω, quod hilaritate cor diffusat, & dilatatis meatibus Spiritus effundat ac expiret, unde repentina oritur saepenumero exanimatio: hoc quidem gaudium vel internum est, nullis